

REGLUGERÐ

um kjörgögn og önnur aðföng við kosningar o.fl.

I. KAFLI

Almenn ákvæði.

1. gr.

Markmið.

Markmið reglugerðar þessarar er að kveða á um gerð, afhendingu, móttöku og varðveislu kjörfundargagna, utankjörfundargagna, atkvæðakassa og annarra gagna og aðfanga sem notuð eru í almennum kosningum til að tryggja samræmda og örugga framkvæmd kosninga.

2. gr.

Gildissvið.

Reglugerð þessi gildir um kjörfundargögn, utankjörfundargögn, atkvæðakassa og önnur gögn og aðföng í kosningum til Alþingis og sveitarstjórna, við forsetakjör og þjóðaratkvæðagreiðslur. Einnig um vörslu og afhendingu kjörgagna fyrir kjörfund og frágang kjörgagna eftir að kjörfundi hefur verið slitið.

3. gr.

Orðskýringar.

Atkvæðaumslag: Umslag úr haldgóðum pappír af þeirri stærð að í það komist ónotaðir kjörseðlar eftir að kjörfundi hefur verið slitið, utankjörfundaratkvæði sem ágreiningur er um hvort taka eigi til greina, óvistuð atkvæði og ónýtir kjörseðlar.

Blindraspjald: Spjald jafnstórt kjörseðli á kjörfundi með upphleyptum valkostum á blindralettri, með glugga framan við hvern valkost og vasa á bakhlið þannig að kjósandi geti í gegnum gluggann sett kross framan við þann lista, frambjóðanda eða svarkost sem hann velur.

Kjörfundargögn: Kjörseðlar við atkvæðagreiðslu á kjörfundi, kjörskrá, blindraspjöld og atkvæðaumslög. Einnig umslög fyrir ágreiningsseðla í öðrum kosningum en sveitarstjórnarkosningum.

Kosningaleiðbeiningar: Upplýsingar um kosningaathöfnina, s.s. það hvernig kjósandi skuli gera grein fyrir sér, um kosningarrétt, hvernig greiða skuli atkvæði, um aðstoð við atkvæðagreiðslu og skyldur og ábyrgð þess sem veitir kjósanda aðstoð. Einnig upplýsingar um framboðslista eða þau forsetaefni sem eru í kjöri sem og upplýsingar um það málefni sem kosið er um í þjóðaratkvæðagreiðslu. Jafnframt, í óbundnum kosningum, upplýsingar um þá sem skorast hafa undan endurkjöri, skv. 5. mgr. 49. gr. kosningalaga.

Óvistuð atkvæði: Utankjörfundaratkvæði sem berst fyrir lok kjörfundar í aðra kjördeild en kjósandi tilheyrir og ekki tekst að koma til skila í rétta kjördeild.

Stimlar við atkvæðagreiðslu utan kjörfundar: Stimplar með listabókstöfum framboðslista við kosningar til Alþingis og sveitarstjórna og stimplar með nöfnum forsetaefna við forsetakjör.

Umslög fyrir ágreiningsseðla: Tvenns konar umslög úr haldgóðum pappír af þeirri stærð að í þau komist ágreiningsseðlar sem sendir eru landskjörstjórn að afloknum kosningum. Annars vegar umslög fyrir þá atkvæðaseðla sem yfirkjörstjórn hefur úrskurðað gilda og hins vegar fyrir atkvæðaseðla sem hún hefur úrskurðað ógilda.

Utankjörfundargögn: Kjörseðill við atkvæðagreiðslu utan kjörfundar, kjörseðilsumslag, fylgibréf og sendiumslag.

Yfirlitshefti: Samantekt í prentuðu og rafrænu formi þar sem finna má upplýsingar er varða kosningar, s.s. lög, reglugerðir, reglur o.fl.

II. KAFLI

Verkefni og skyldur kjörstjórna.

4. gr.

Verkefni og skyldur landskjörstjórnar.

Landskjörstjórn tekur ákvörðun um og lætur útbúa kjörfundargögn, önnur en kjörskrá, og önnur gögn sem kveðið er á um í reglugerð þessari að undanskildum þeim kjörgögnum sem yfirkjörstjórn sveitarfélags skal útbúa við kosningar til sveitarstjórnar skv. 22. gr. reglugerðar þessarar. Landskjörstjórn skal tryggja að gögnin séu afhent yfirkjörstjórnnum kjördæma með öruggum og rekjanlegum hætti tímanlega fyrir kjördag.

5. gr.

Verkefni og skyldur yfirkjörstjórna kjördæma og undæmiskjörstjórna.

Yfirkjörstjórn kjördæmis skal taka á móti og varðveita með öruggum hætti kjörfundargögn og önnur gögn sem landskjörstjórn afhendir henni. Yfirkjörstjórn skal afhenda yfirkjörstjórnnum sveitarfélaga gögnin með öruggum og rekjanlegum hætti, tímanlega fyrir upphaf kjörfundar. Skipi yfirkjörstjórn undæmiskjörstjórn, skv. 3. mgr. 16. gr. kosningalaga, eru verkefni hennar og skyldur þær sömu og yfirkjörstjórnar samkvæmt reglugerð þessari innan síns umdæmis.

6. gr.

Verkefni og skyldur yfirkjörstjórna sveitarfélaga.

Yfirkjörstjórn sveitarfélags skal taka á móti og varðveita með öruggum hætti kjörfundargögn og önnur gögn sem yfirkjörstjórn kjördæmis eða undæmiskjörstjórn afhendir. Yfirkjörstjórn skal afhenda hverfiskjörstjórn eða undirkjörstjórn í viðkomandi sveitarfélagi gögnin með öruggum og rekjanlegum hætti tímanlega fyrir upphaf kjörfundar og skal tryggja að í hverri kjördeild sé nægilegt magn kjörfundargagna og annarra gagna sem landskjörstjórn hefur afhent samkvæmt reglugerð þessari. Sé hverfiskjörstjórn kjörin er yfirkjörstjórn heimilt að afhenda henni gögnin án þess að þau séu flokkuð eftir kjördeildum.

Yfirkjörstjórn sveitarfélags skal afhenda yfirkjörstjórn kjördæmis gögn skv. 1.gr. eftir slit kjörfundar við kosningar til Alþingis og við forsetakjör og þjóðaratkvæðagreiðslur.

Yfirkjörstjórn sveitarfélags skal láta útbúa kjörfundargögn við sveitarstjórnarkosningar í viðkomandi sveitarfélagi skv. 22. gr. reglugerðar þessarar. Yfirkjörstjórn skal afhenda hverfiskjörstjórn eða undirkjörstjórn í viðkomandi sveitarfélagi gögnin með öruggum og rekjanlegum hætti tímalega fyrir upphaf kjörfundar.

7. gr.

Verkefni hverfis- og undirkjörstjórna sveitarfélaga.

Hverfiskjörstjórn, sé hún kjörin, skal afhenda undirkjörstjórn kjörfundargögn og önnur gögn, sem hún tekur við af yfirkjörstjórn sveitarfélags, tímalega fyrir upphaf kjörfundar. Hafi yfirkjörstjórn sveitarfélags afhent hverfiskjörstjórn kjörfundargögn og önnur gögn til notkunar á kjördegi óflokkuð, sbr. 1. mgr. 6. gr. skal hverfiskjörstjórn annast flokkun og afhendingu þeirra til undirkjörstjórna.

Eftir slit kjörfundar skal undirkjörstjórn afhenda hverfiskjörstjórn gögnin sem skal afhenda þau yfirkjörstjórn sveitarfélagsins.

Undirkjörstjórn skal taka á móti og varðveita með öruggum hætti kjörfundargögn, utankjörfundaratkvæði og önnur gögn meðan á kjörfundi stendur. Undirkjörstjórn skal ganga frá kjörfundargögnum og öðrum gögnum eftir að kjörfundi hefur verið slitið og afhenda yfirkjörstjórn eða hverfiskjörstjórn eftir atvikum.

III. KAFLI

Utankjörfundargögn.

8. gr.

Gerð og afhending utankjörfundargagna.

Landskjörstjórn lætur útbúa utankjörfundargögn og skal sjá til þess að nægilegt magn utankjörfundargagna sé aðgengilegt kjörstjórum.

Landskjörstjórn skal láta sýslumönnum í té utankjörfundargögn til notkunar við atkvæðagreiðslu utan kjörfundar. Sýslumenn skulu annast dreifingu utankjörfundargagna til kjörstjóra og annarra trúnaðarmanna í umdæmi sínu, sbr. 69. gr. kosningalaga og sjá til þess að gögnin séu jafnan fyrir hendi hjá þeim er annast atkvæðagreiðslu utan kjörfundar hér á landi.

Landskjörstjórn skal láta utanríkisráðuneytinu í té utankjörfundargögn sem kemur þeim til kjörstjóra erlendis, sbr. 70. gr. kosningalaga.

9. gr.

Varðveisla utankjörfundargagna.

Landskjörstjórn og kjörstjórnar skulu tryggja að utankjörfundargögn í vörslu þeirra séu ávallt geymd á öruggum stað.

Atkvæðakassar sem geyma utankjörfundaratkvæði skulu geymdir í læstri geymslu þegar þeir eru ekki í notkun.

Að loknum kosningum skulu ónotuð utankjörfundargögn afhent viðkomandi sýslumanni sem varðveitir þau með tryggum og öruggum hætti. Kjörstjórnar erlendis skulu varðveita gögnin með tryggum og öruggum hætti.

10. gr.

Kjörseðill við atkvæðagreiðslu utan kjörfundar.

Kjörseðill við atkvæðagreiðslu utan kjörfundar skal vera af stærðinni A5 og með broti þannig að kjósandi geti brotið kjörseðilinn saman þannig að ekki sjáist í merkingar á honum. Brotið skal vera þannig að brúnir kjörseðilsins skarist þegar seðlinum er lokað og skal skörunin vera u.þ.b. 2 mm.

Kjörseðillinn skal vera úr haldgóðum pappír sem prent eða skrift sést ekki í gegnum a.m.k. 160 g/m² að þyngd.

Efst fyrir miðju á efri framhlið kjörseðilsins skal standa með skýru letri: **KJÖRSEÐILL.**

Þar fyrir neðan skal vera rammi í ljósari lit en aðrir hlutar framhliðar kjörseðilsins. Bakhlið kjörseðils skal vera greinilega auðkennd svo sem með áprentuðu mynstri.

11. gr.

Kjörseðilsumslag (innra umslag).

Kjörseðilsumslag (innra umslag) skal vera úr haldgóðum pappír sem skal vera a.m.k. 100 g/m² að þyngd þannig að ekki sé unnt að lesa það sem á kjörseðil er ritað. Umslagið skal vera af þeirri stærð að kjörseðillinn samanbrotinn falli vel og haganlega í umslagið.

Á umslagið skal vera ritað ofarlega með skýru letri: **Kjörseðilsumslag.**

Á umslaginu skulu vera stuttar og skýrar leiðbeiningar um það hvernig skuli fylla kjörseðil út við kosningar. Umslaginu skal vera unnt að loka með sjálfhlímandi rönd sem skal vera hulin borða.

12. gr.

Fylgibréf.

Fylgibréf skal útbúið þannig að á það megi auðveldlega skrifa þær upplýsingar sem kveðið er á um í ákvæðum kosningalaga og reglugerð þessari eða Á fylgibréfi skal að minnsta kosti vera:

1. Reitur fyrir fullt nafn, kennitölu, lögheimili og sveitarfélag kjósenda.
2. Reitur fyrir undirritun kjósenda, stað og dagsetningu þar sem hann lýsir því yfir að hann hafi án aðstoðar og án þess að nokkur annar hafi séð, ritað eða stimplað atkvæði á kjörseðil, sett atkvæði í umslag og límt umslagið aftur.
3. Reitur þar sem merkt skal við í hvaða kosningum atkvæði er greitt.
4. Reitur þar sem hægt er að merkja við að atkvæðagreiðsla hafi farið fram með aðstoð og tilgreint hvort hún hafi verið veitt af kjörstjóra eða aðstoðarmanni kjósenda.
5. Reitur fyrir undirritun kjörstjóra, dagsetningu og embættisstimpil, ef við á, þar sem hann vottar að atkvæðagreiðsla hafi átt sér stað.

Landskjörstjórn getur ákveðið að á fylgibréfinu séu stuttar og skýrar leiðbeiningar um atkvæðagreiðslu utan kjörfundar, frágang kjörgagna o.fl.

Landskjörstjórn getur ákveðið að upplýsingar á fylgibréfinu séu jafnframt þýddar á erlend tungumál.

Kjörstjórn er heimilt að nota rafrænt utankjörfundarkerfi fyrir atkvæðagreiðslu utan kjörfundar til sjálfvirkra útfyllingar fylgibréfs.

13. gr.

Sendiumslag (ytra umslag).

Sendiumslag (ytra umslag) skal vera úr haldgóðum pappír a.m.k. 100 g/m² að þyngd. Umslagið skal vera af þeirri stærð að kjörseðilsumslagið og fylgibréfið samanbrotið falli vel og haganlega í umslagið.

Á framhlið umslagsins skal vera auð lína þar sem gert er ráð fyrir heiti þeirrar kjörstjórnar sem er viðtakandi bréfsins. Þar skal jafnframt vera leiðbeining um það að bréfið skuli berast á skrifstofu sveitarstjórnar í sveitarfélaginu þar sem kjósandi er á kjörskrá og þar skal rita heiti sveitarfélagsins ásamt póstnúmeri.

Á bakhlið sendiumslagsins skal rita nafn og heimilisfang kjósandans. Auk þess er heimilt að rita þar númer kjörstaðar og kjördeildar og/eða setja þar sérstakt merki (strikamerki) sem getur innihaldið upplýsingar um kjörstað, kjördeild og kennitölu kjósandans.

Umslaginu skal vera unnt að loka með sjálflímandi rönd sem skal vera hulin borða.

14. gr.

Kjörseðlar við atkvæðagreiðslu utan kjörfundar við þjóðaratkvæðagreiðslur.

Kveðið skal nánar á um um útlit og frágang kjörseðla við atkvæðagreiðslu utan kjörfundar við þjóðaratkvæðagreiðslu í reglum sem ráðherra setur að fenginni tillögu landskjörstjórnar, sbr. 66. gr. kosningalaga.

IV. KAFLI

Kjörfundargögn við kosningar til Alþingis, við forsetakjör og þjóðaratkvæðagreiðslu.

15. gr.

Gerð kjörfundargagna.

Landskjörstjórn tekur ákvörðun um og lætur útbúa kjörfundargögn, önnur en kjörskrá, með nægum fyrirvara. Skulu kjörseðlar að jafnaði vera fullgerðir eigi síðar en sjö dögum fyrir kjördag.

Landskjörstjórn skal tryggja að gögnin séu afhent yfirkjörstjórnnum kjördæma með öruggum hætti tímanlega fyrir kjördag.

Miða skal fjölda prentaðra kjörseðla að lágmarki við áætlaðan fjölda kjósenda á kjörskrá á kjördag að viðbættu 1%.

Skal yfirkjörstjórn kjördæmis sjá til þess að eitt blindraspjald að lágmarki sé tiltækt á hverjum kjörstað.

16. gr.

Gerð kjörseðils.

Kjörseðill skal vera úr haldgóðum pappír sem prent eða skrift sést ekki í gegnum, a.m.k. 160 g/m² að þyngd.

Kjörseðill skal vera með broti með þeim hætti að kjósandi geti brotið hann saman þannig að ekki sjáist í texta eða merkingar á kjörseðli (óprentaða hliðin snýr út) og að hann falli vel og haganlega í atkvæðakassann. Tryggja skal að brotið falli ekki í prentaðan texta á seðlinum og að brúnir kjörseðilsins skarist u.þ.b. 2 mm þegar honum er lokað.

Landskjörstjórn skal skipta um lit á kjörseðlum við hverjar kosningar til Alþingis og við forsetakjör.

17. gr.

Kjörseðlar við kosningar til Alþingis.

Kjörseðla við kosningar til Alþingis skal útbúa þannig:

Í fyrirsögn efst á kjörseðli skal tilgreina með skýru letri að um sé að ræða kosningar til Alþingis, dagsetningu þeirra og ártal en þar fyrir neðan skal vera þverstrik sem nær yfir allan kjörseðilinn.

Prenta skal framboðslista með skýru letri hvern við annars hlið, í stafrófsröð eftir bókstöfum framboðanna, og skal ætla hverjum lista að jafnaði um 6-8 cm breidd en lengd skal miðuð við tölu frambjóðenda á framboðslistum. Tryggt skal að breidd allra lista á kjörseðli sé sú sama.

Valdi fjöldi framboðslista eða fjöldi frambjóðenda á hverjum lista, erfiðleikum við uppsetningu kjörseðils getur landskjörstjórn ákveðið að prenta framboðslista í tveimur röðum. Þess skal gætt að sem jafnastur fjöldi lista sé í efri og neðri röð.

Bókstafur hvers lista skal vera stór og greinilegur og standa yfir miðjum listanum og fyrir framan hann skal vera ferningur í sambærilegri stærð og bókstafurinn. Þar fyrir neðan, en fyrir ofan nöfn frambjóðenda, skal vera heiti þeirra stjórn málasamtaka sem bjóða fram listann og skal heitið prenta með skýru letri þannig: **Listi** ... (nafn stjórn málasamtakanna).

Fyrir neðan heiti listans skulu vera nöfn frambjóðenda í þeirri röð sem þeir eru boðnir fram. Listarnir skulu aðgreindir með langstrikum og skal að jafnaði 0,5 cm breitt bil vera fyrir framan nöfnin á hverjum lista.

18. gr.

Kjörseðlar við forsetakjör.

Kjörseðla við forsetakjör skal útbúa þannig:

Í fyrirsögn efst á kjörseðli skal tilgreina með skýru letri að um sé að ræða forsetakjör, dagsetningu þess og ártal en þar fyrir neðan skal vera þverstrík sem nær yfir allan kjörseðilinn.

Prenta skal nöfn forsetaefna með skýru letri í lóðréttri stafrófsröð, inndregin og jöfnuð vinstra megin sem skulu vera aðgreind með þverstríkum yfir allan kjörseðilinn.

Á spássíu vinstra megin fyrir framan nafn hvers forsetaefnis skal vera ferningur.

19. gr.

Kjörseðlar við þjóðaratkvæðagreiðslu.

Kveðið skal nánar á um um útlit og frágang kjörseðla á kjördegi við þjóðaratkvæðagreiðslu í reglum sem ráðherra setur að tillögu landskjörstjórnar, skv. 66. gr. kosningalaga.

20. gr.

Atkvæðaumslög.

Landskjörstjórn lætur útbúa sérstök atkvæðaumslög og afhendir, með nægum fyrirvara og í nægjulegu upplagi, yfirkjörstjórnnum kjördæma fyrir allar kjörstjórnir sem starfa í viðkomandi kjördæmi og starfsmenn þeirra. Umslögín skulu vera úr haldgóðum pappír af þeirri stærð að í þau komist:

- a. utankjörfundaratkvæði sem vafi er um hvort taka eigi til greina,
- b. óvistuð atkvæði og
- c. ónýtir kjörseðlar.

Ónotaða kjörseðla sem eftir eru þegar kjörfundi hefur verið slitið skal annað hvort setja í atkvæðaumslagið, skv. 1. mgr. eða í aðrar þær umbúðir sem landkjörstjórn hefur lagt til, s.s. þær umbúðir sem kjörseðlar voru afhentir í.

21. gr.

Umslög fyrir ágreiningsseðla.

Landskjörstjórn lætur útbúa tvær gerðir af umslögum fyrir ágreiningsseðla og afhendir, með nægum fyrirvara og í nægilegu upplagi, yfirkjörstjórnnum kjördæma. Um er ræða annars vegar umslög fyrir þá atkvæðaseðla sem yfirkjörstjórn hefur úrskurðað gilda og hins vegar fyrir atkvæðaseðla sem hún hefur úrskurðað ógilda.

Umslögín skulu vera úr haldgóðum pappír af þeirri stærð að í þau komist ágreiningsseðlar sem sendir eru landskjörstjórn að afloknum kosningum, skv. 3. mgr. 99. gr. og 2. mgr. 120. gr. kosningalaga.

V. KAFLI

Kjörfundargögn við sveitarstjórnarkosningar.

22. gr.

Gerð kjörfundargagna.

Yfirkjörstjórn sveitarfélags tekur ákvörðun um og lætur útbúa kjörseðla. Skulu þeir að jafnaði vera fullgerðir eigi síðar en fimm dögum fyrir kjördag.

Við listakosningu í sveitarfélagi skal yfirkjörstjórn sveitarfélagsins láta útbúa blindraspjöld og sjá til þess að eitt blindraspjöld að lágmarki sé tiltækt á hverjum kjörstað í sveitarfélaginu.

Yfirkjörstjórn skal tryggja að gögnin séu afhent undirkjörstjórnnum tímanlega fyrir opnun kjörstaða.

Miða skal fjölda prentaðra kjörseðla að lágmarki við áætlaðan fjölda kjósenda á kjörskrá á kjördag að viðbættu 1%.

23. gr.

Gerð kjörseðils.

Kjörseðill skal vera úr haldgóðum pappír sem prent eða skrift sést ekki í gegnum, a.m.k. 160 g/m² að þyngd.

Kjörseðill skal vera með broti þannig að kjósandi geti brotið hann saman svo ekki sjáist í texta eða merkingar á kjörseðli (óprentaða hliðin snýr út) og að hann falli vel og haganlega í atkvæðakassann. Tryggja skal að brotið falli ekki í prentaðan texta á seðlinum og að brúnir kjörseðilsins skarist u.þ.b. 2 mm þegar honum er lokað.

Yfirkjörstjórn sveitarfélags skal skipta um lit á kjörseðlum við hverjar sveitarstjórnarkosningar.

24. gr.

Kjörseðlar við listakosningu í sveitarfélagi.

Kjörseðla við listakosningu í sveitarfélagi skal útbúa þannig:

Í fyrirsögn efst á kjörseðli skal tilgreina með skýru letri að um sé að ræða kosningar til sveitarstjórnar í viðkomandi sveitarfélagi, dagsetningu þeirra og ártal en þar fyrir neðan skal vera þverstrík sem nær yfir allan kjörseðilinn.

Prenta skal framboðslista með skýru letri hvern við annars hlið, í stafrófsröð eftir bókstöfum þeirra, og skal ætla hverjum lista að jafnaði um 6-8 cm breidd en lengd skal miðuð við tölu frambjóðenda á framboðslistum. Tryggt skal að breidd allra lista á kjörseðli sé sú sama.

Valdi fjöldi framboðslista eða fjöldi frambjóðenda á hverjum lista, erfiðleikum við uppsetningu kjörseðils getur yfirkjörstjórn sveitarfélags ákveðið að prenta framboðslista í tveimur röðum. Þess skal gætt að sem jafnastur fjöldi lista sé í efri og neðri röð.

Bókstafur hvers lista skal vera stór og greinilegur og standa yfir miðjum listanum og fyrir framan hann skal vera ferningur í sambærilegri stærð og bókstafurinn. Þar fyrir neðan, en fyrir ofan nöfn frambjóðenda, skal vera heiti þeirra stjórn málasamtaka sem bjóða fram listann og skal heitið prenta með skýru letri þannig: **Listi** ... (nafn stjórn málasamtakanna).

Fyrir neðan heiti listans skulu vera nöfn frambjóðenda í þeirri röð sem þeir eru boðnir fram. Listarnir skulu aðgreindir með langstríku og skal að jafnaði 0,5 cm breitt bil vera fyrir framan nöfnin á hverjum lista.

25. gr.

Kjörseðlar við óbundnar kosningar í sveitarfélagi.

Efst á kjörseðli skal vera fyrirsögn þar sem tilgreint er að um sveitarstjórnarkosningar sé að ræða í viðkomandi sveitarfélagi, dagsetningu þeirra og ártal.

Kjörseðill skal vera tvískiptur. Á efri hluti kjörseðils skulu vera nöfn og heimilisföng aðalmanna en á neðri hluti hans nöfn og heimilisföng varamanna. Á neðri hluta kjörseðils skal vera töluröð miðuð við fjölda þeirra varafulltrúa sem kjósa á.

26. gr.

Atkvæðaumslög.

Landskjörstjórn lætur útbúa sérstök atkvæðaumslög og afhendir yfirkjörstjórnnum sveitarfélaga, með nægum fyrirvara og í nægilegu upplagi, fyrir allar kjörstjórnir sem starfa í viðkomandi kjördæmi og starfsmenn þeirra. Umslögín skulu vera úr haldgóðum pappír af þeirri stærð að í þau komist:

- d. utankjörfundaratkvæði sem vafi er um hvort taka eigi til greina,
- e. óvistuð atkvæði og
- f. ónýtir kjörseðlar.

Ónotaða kjörseðla sem eftir eru þegar kjörfundi hefur verið slitið skal undirkjörstjórn annað hvort setja í atkvæðaumslagið, skv. 1. mgr., eða í aðrar vandaðar umbúðir sem yfirkjörstjórn hefur lagt til, s.s. þær umbúðir sem kjörseðlar voru afhentir í.

VI. KAFLI

Kosningaleiðbeiningar, stimplar o.fl.

27. gr.

Kosningaleiðbeiningar.

Í aðdraganda allra kosninga sem fram fara á grundvelli kosningalaga útbýr landskjörstjórn kosningaleiðbeiningar sem skulu m.a. hafa að geyma upplýsingar um það hvernig kjósandi skuli gera grein fyrir sér, kosningarrétt, hvernig greiða skuli atkvæði, aðstoð við atkvæðagreiðslu og skyldur og ábyrgð þess sem veitir kjósanda aðstoð.

Kosningaleiðbeiningar skulu vera aðgengilegar kjósanda bæði við atkvæðagreiðslu utan kjörfundar og á kjörstað á kjördegi.

Fari atkvæðagreiðsla utan kjörfundar fram á þeim stöðum sem tilgreindir eru í 1. og 2. tölul. 2. mgr. 69. gr. og 70. gr. kosningalaga skulu kosningaleiðbeiningarnar að jafnaði einnig festar þar upp á áberandi stað.

Á kjördag skulu kosningaleiðbeiningarnar festar upp á áberandi stað á kjörstað og í hverri kjördeild verði því við komið að mati kjörstjórnar.

28. gr.

Upplýsingar um framboð eða forsetaefni.

a) Kosningar utan kjörfundar:

Þegar landskjörstjórn hefur auglýst framboðslista við alþingiskosningar, sbr. 1. másl. 1. mgr. 47. gr. kosningalaga eða hvaða forsetaefni eru í kjöri, sbr. 3. mgr. 50. gr. kosningalaga, skal landskjörstjórn útbúa og láta sýslumönnum og utanríkisráðuneytinu í té upplýsingar um þá framboðslista eða þau forsetaefni sem eru í kjöri.

Sýslumenn og utanríkisráðuneytið skulu sjá til þess að upplýsingarnar séu aðgengilegar hjá kjörstjórum. Fari atkvæðagreiðslan fram á þeim stöðum sem tilgreindir eru í 1. og 2. tölul. 2 mgr. 69. gr. og 70. gr. kosningalaga skulu upplýsingarnar að jafnaði festar upp á áberandi stað.

Þegar yfirkjörstjórn sveitarfélags, í kosningum til sveitarstjórna, hefur tekið ákvörðun um framboðslista, sbr. 2. mgr. 46. gr. kosningalaga skal hún afhenda landskjörstjórn lista með upplýsingum um nöfn og lögheimili allra þeirra sem eru í framboði í viðkomandi sveitarfélagi. Listinn skal vera á rafrænu formi og á viðmóti sem landskjörstjórn lætur í té. Landskjörstjórn skal miðla upplýsingunum til sýslumanna og utanríkisráðuneytisins s.s. með því að birta þær á vef sínum. Sýslumenn og utanríkisráðuneytið skulu sjá til þess að upplýsingar um alla þá sem eru í framboði í kosningum til sveitarstjórnar séu aðgengilegar hjá kjörstjórum þannig að kjósendur geti kynnt sér framboðin óski þeir þess.

b) Kosning á kjördegi:

Landskjörstjórn skal útbúa og láta yfirkjörstjórnnum kjördæma í té upplýsingar um framboðslista við kosningar til Alþingis í viðkomandi kjördæmi eða þau forsetaefni sem eru í kjöri, með nægum fyrirvara fyrir kjördag. Á kjördag skulu upplýsingar um framboðslista eða forsetaefni vera aðgengilegar kjósenda og skulu þær hengdar upp á áberandi stað á kjörstað.

Við sveitarstjórnarkosningar þar sem fram fer listakosning skal yfirkjörstjórn útbúa lista yfir þá sem eru í framboði í viðkomandi sveitarfélagi. Á kjördag skulu upplýsingarnar vera aðgengilegar kjósenda og skulu þær hengdar upp á áberandi stað á kjörstað.

c) Þjóðaratkvæðagreiðsla:

Við þjóðaratkvæðagreiðslu skal landskjörstjórn útbúa upplýsingar varðandi það málefni sem kosið er um. Skulu slíkar upplýsingar vera aðgengilegar kjósenda á áberandi stað á kjörstað.

29. gr.

Yfirlitshefti.

Í aðdraganda allra kosninga skv. kosningalögum gefur landskjörstjórn út yfirlitshefti í prentuðu og rafrænu formi þar sem finna má upplýsingar er varða kosningar, s.s. helstu lög, reglur og reglugerðir sem varða framkvæmd kosninga. Landskjörstjórn afhendir sýslumönnum, utanríkisráðuneytinu, yfirkjörstjórnnum kjördæma og yfirkjörstjórnnum sveitarfélaga yfirlitshefti í nægilegu upplagi fyrir alla kjörstjóra og kjörstjórnir sem starfa í viðkomandi umdæmi, starfsmenn þeirra og umboðsmenn framboða.

30. gr.

Stimplar.

Landskjörstjórn lætur sýslumönnum í té stimpla til notkunar við atkvæðagreiðslu utan kjörfundar. Stimplarnir skulu vera með listabókstöfum framboðslista við kosningar til Alþingis og sveitarstjórna og nöfnum forsetaefna við forsetakjör. Á stimplunum skal vera blindraletur í samræmi við þá listabókstafi og nöfn sem á þeim eru.

31. gr.

Aðföng á kjörstað og í kjörklefa.

Yfirkjörstjórn sveitarfélags skal tryggja að á hverjum kjörstað í sveitarfélaginu séu til staðar þau gögn sem nauðsynleg eru til þess að kosning geti farið fram. Á það bæði við um þau kjörfundargögn sem landskjörstjórn lætur í té, skv. reglugerð þessari sem og önnur þau aðföng sem nauðsynleg eru, s.s. skriffæri í kjörklefa.

Sýslumenn skulu tryggja að á hverjum utankjörfundarkjörstað í umdæmi þeirra séu til staðar þau kjörgögn sem nauðsynleg eru til þess að kosning geti farið fram, sbr. 1. mgr.

32. gr.

Innsigli.

Landskjörstjórn skal láta sýslumönnum og yfirkjörstjórnnum kjördæma í kosningum til Alþingis og við forsetakjör og þjóðaratkvæðagreiðslur og yfirkjörstjórnnum sveitarfélaga við kosningar til sveitarstjórna í té embættisinnsgli sem notuð skulu við kosningar.

Landskjörstjórn ákveður gerð, merkingar og notkun embættisinnsgla sem notuð skulu við kosningar og skulu reglur þar um birtar í Stjórnartíðindum, sbr. 6. mgr. 14. gr. kosningalaga.

Kjörstjórar og kjörstjórnir skulu tryggja að innsigli í vörslu þeirra séu ávallt geymd með tryggum og öruggum hætti.

VII. KAFLI

Atkvæðakassar.

33. gr.

Gerð atkvæðakassa.

Landskjörstjórn lætur gera atkvæðakassa og lætur yfirkjörstjórnnum sveitarfélaga í té atkvæðakassa samkvæmt beiðni.

Atkvæðakassi skal vera af hæfilegri stærð og gerður úr haldgóðum krossvið eða efni sambærilegu að styrkleika og öryggi með loki og þannig búinn að unnt sé að loka honum tryggilega. Lok skal vera úr sama efni, með nægjanlega langri rauf þannig að unnt sé að koma bæði atkvæðaseðli og sendiumslagi þar ofan í. Rauf skal formuð með þeim hætti að hvorki sé unnt að ná seðli né sendiumslagi upp úr kassanum. Atkvæðakassar skulu hafa innfelldan ramma þannig að ekki sé unnt að koma pappír milli loks og kassa. Kjörstjórnnum er þó heimilt í undantekningartilvikum, að nota eldri kassa sem ekki hafa innfelldan ramma og voru í notkun við gildistöku kosningalaga 1. janúar 2022. Skal þá gengið þannig frá samskeytum loks og kassa að samskeytin séu lokuð með sterku límbandi og innsigli sett yfir það á hverri hlið kassans.

34. gr.

Fjöldi atkvæðakassa.

Yfirkjörstjórn sveitarfélags tryggir að til staðar sé nægilegur fjöldi atkvæðakassa fyrir kosningar í sveitarfélaginu hverju sinni.

Yfirkjörstjórn sveitarfélags skal útvega sýslumanni í umdæmi viðkomandi yfirkjörstjórnar, samkvæmt 1. mgr. 76. gr. kosningalaga, nægilegan fjölda atkvæðakassa við atkvæðagreiðslu utan kjörfundar, samkvæmt nánara samkomulagi við viðkomandi kjörstjóra.

35. gr.

Varðveisla atkvæðakassa milli kosninga.

Sveitarfélag skal geyma atkvæðakassa milli kosninga með tryggum hætti, en kjósi sýslumenn að geyma atkvæðakassana er þeim það heimilt.

VIII. KAFLI

Varðveisla og afhending kjörfundargagna og frágangur þeirra að loknum kjörfundi.

36. gr.

Afhending og varsla kjörseðla við kosningar til Alþingis og við forsetakjör og þjóðaratkvæðagreiðslur.

Landskjörstjórn skal tryggja öryggi kjörseðla á meðan þeir eru í vörslu hennar og við prentun þeirra.

Landskjörstjórn skal afhenda yfirkjörstjórnnum kjördæma kjörseðla í tryggum og öruggum umbúðum og að jafnaði í órofinni vörslu, þannig að afhending fer fram frá fulltrúa landskjörstjórnar beint til fulltrúa viðkomandi yfirkjörstjórnar kjördæmis. Við slíka afhendingu er heimilt að afhenda kjörseðlana í órofum og óinnsigliðum en lokuðum umbúðum frá prentsmiðju.

Fari afhending kjörseðla, skv. 2. mgr. ekki fram með órofum hætti frá landskjörstjórn til yfirkjörstjórnar skal landskjörstjórn tryggja að þeir séu afhentir í vönduðum og innsigliðum umbúðum og með traustum og rekjanlegum hætti.

Yfirkjörstjórn kjördæmis skal taka á móti og varðveita með öruggum hætti kjörseðla sem landskjörstjórn afhendir henni og afhenda þá síðan yfirkjörstjórnnum sveitarfélaga og umdæmiskjörstjórnnum ef við á. Fari afhending ekki fram í órofinn vörslu, sbr. 2. mgr. skulu kjörseðlarnir afhentir í vönduðum og innsigliðum umbúðum og með traustum og rekjanlegum hætti.

Yfirkjörstjórn sveitarfélags skal taka á móti og varðveita með öruggum hætti kjörseðla sem afhentir eru af yfirkjörstjórn kjördæmis eða umdæmiskjörstjórn. Yfirkjörstjórn sveitarfélags skal afhenda gögnin til hverfiskjörstjórna eða undirkjörstjórna í viðkomandi sveitarfélagi með öruggum og rekjanlegum hætti fyrir upphaf kjörfundar, sbr. 6. gr.

Yfirkjörstjórnir kjördæma og yfirkjörstjórnir sveitarfélaga skulu varðveita ónotaða seðla, sem þær móttaka og ekki hafa verið afhentir kjörstjórnnum, með tryggilegum hætti svo sem í innsigliðu íláti eða fyrir luktum dyrum sem jafnframt skulu innsiglaðar. Yfirkjörstjórn skal gera grein fyrir ónotuðum kjörseðlum sem ekki eru afhentir til undirkjörstjórna í uppgjöri við talningu atkvæða.

37. gr.

Afhending og varsla kjörseðla við kosningar til sveitarstjórna.

Yfirkjörstjórn sveitarfélags skal tryggja öryggi kjörseðla á meðan þeir eru í vörslu hennar og við prentun þeirra.

Að jafnaði skal við það miðað að yfirkjörstjórn sveitarfélags afhendi undirkjörstjórnnum og hverfiskjörstjórnnum, ef við á, kjörseðla í vöndum umbúðum og í órofinni vörslu, þannig að afhending fer fram frá fulltrúa yfirkjörstjórnar beint til fulltrúa viðkomandi undirkjörstjórnar eða hverfiskjörstjórnar. Við slíka afhendingu er heimilt að afhenda kjörseðlana í órofnun og óinnsigliðum en lokuðum umbúðum frá prentsmiðju.

Fari afhending kjörseðla, skv. 2. mgr. ekki fram með órofnun hætti frá yfirkjörstjórnar sveitarfélags skal hún tryggja að kjörseðlarnir séu afhentir í vönduðum og innsigliðum umbúðum og með traustum og rekjanlegum hætti.

Undirkjörstjórn sveitarfélags og hverfiskjörstjórn, sé hún kjörin, skal taka á móti og varðveita með öruggum hætti kjörseðla sem afhentir eru af yfirkjörstjórn sveitarfélags, sbr. 7. gr.

Yfirkjörstjórnir sveitarfélaga skulu varðveita ónotaða seðla, sem ekki hafa verið afhentir kjörstjórnnum, með tryggilegum hætti svo sem í innsigliðu íláti eða fyrir luktum dyrum sem jafnframt skulu innsiglaðar. Yfirkjörstjórn skal gera grein fyrir ónotuðum kjörseðlum sem ekki eru afhentir til kjörstjórna í uppgjöri við talningu atkvæða.

38 gr.

Varsla kjörfundar- og utankjörfundargagna meðan á kjörfundi stendur.

Á meðan á kjörfundi stendur skulu öll kjörfundargögn og utankjörfundargögn sem afhent hafa verið kjörstjórn, ávallt vera í vörslum a.m.k. tveggja kjörstjórnarfulltrúa eða annarra tveggja einstaklinga sem kjörstjórn ákveður.

39. gr.

Frágangur kjörgagna að loknum kjörfundi.

Þegar kjörfundi hefur verið slitið skal hver undirkjörstjórn ganga frá kjörgögnum til afhendingar yfirkjörstjórnar sem annast talningu atkvæða.

Þegar öll kjörseðilsúmslög, sem enginn ágreiningur er um að séu gild, hafa verið sett óopnuð í atkvæðakassann samkvæmt 96. gr. kosningalaga, skal rauf kassans innsiglið.

Undirkjörstjórn skal ganga frá kjörseðlum þeim sem hafa ónýst í þar til gert atkvæðauslag, sem skal innsiglað, og í annað atkvæðauslag sem einnig skal innsiglað skal setja þau utankjörfundaratkvæði sem ágreiningur er um hvort taka skuli til greina.

Hafi undirkjörstjórn borist óvistuð atkvæði fyrir lok atkvæðagreiðslu skulu þau sett í þar til gert atkvæðauslag sem skal innsiglað.

Undirkjörstjórn skal setja ónotaða kjörseðla annað hvort í þar til gert atkvæðauslag eða aðrar þær umbúðir sem henni hafa verið lagðar til, s.s. þær umbúðir sem kjörseðlarnir komu í, sbr. 20. og 26. gr., en hvort tveggja skal innsiglað.

Að því loknu skal gerðabók undirkjörstjórnar undirrituð.

Undirkjörstjórn skal að því loknu ganga frá ónotuðum atkvæðum, atkvæðaumslögum og gerðabók, auk allra eintaka af kjörskrá, ef kjörskrá er ekki rafræn, með tryggum hætti í umbúðum sem skulu lokaðar eða samkvæmt nánari fyrirmælum sem yfirkjörstjórn setur um frágang kjörgagna.

Þá skal undirkjörstjórn, eða hverfiskjörstjórn, ganga frá skýrslum eða öðrum upplýsingum samkvæmt fyrirmælum yfirkjörstjórnar sem þarf vegna talningar atkvæða.

40. gr.

Afhending kjörgagna að loknum kjörfundi.

Hverfiskjörstjórn, sé hún til staðar, skal afhenda kjörgögn samkvæmt 36. og 37. gr. til yfirkjörstjórnar sveitarfélags, annars er afhendingin á ábyrgð undirkjörstjórnar sveitarfélags.

Undirkjörstjórn skal afhenda kjörgögn samkvæmt 36. og 37. gr. með þeim hætti sem hverfiskjörstjórn, sé hún til staðar, eða yfirkjörstjórn sveitarfélags ákveður, en tryggt skal að afhendingin sé með öruggum hætti.

Yfirkjörstjórn sveitarfélags skal eins og fljótt og verða má eftir að kjörfundi lýkur, við aðrar kosningar en sveitarstjórnarkosningar, afhenda kjörgögn samkvæmt 36. gr. úr öllum kjördeildum sveitarfélags, auk ónotaðra seðla í vörslum yfirkjörstjórnar (ef við á), með öruggum og rekjanlegum hætti til yfirkjörstjórnar kjördæmis svo hægt sé að hefja talningu.

Tryggt skal að kjörgögn sem afhent eru skv. 1.-3. mgr. séu ávallt í vörslu a.m.k. tveggja kjörstjórnarfulltrúa eða annarra tveggja einstaklinga sem kjörstjórn ákveður.

41. gr.

Varsla kjörgagna ef hlé eða frestun verður á talningu.

Sé hlé gert á fundi yfirkjörstjórnar eða fundi hennar frestað á meðan talning stendur yfir skal yfirkjörstjórn tryggja að notaðir og ónotaðir kjörseðlar ásamt öðrum kjörgögnum séu varðveittir með tryggilegum hætti og fyrir luktum dyrum sem skulu innsiglaðar. Þetta á einnig við ef gert er hlé á milli skila á fyrri og seinni hluta talningaskýrslna, sbr. 23. gr. reglugerðar um talningu atkvæða.

IX. KAFLI

Frágangur að lokinni talningu.

42. gr.

Varðveisla og eyðing atkvæðaseðla, kjörskráa o.fl.

Að talningu lokinni skal kjörstjórn ganga frá og innsigla:

- Ílát með notuðum kjörseðlum. Skal gildum og ógildum kjörseðlum haldið aðgreindum.
- Ílát með ónotuðum kjörseðlum.
- Atkvæðaumslög með ágreiningsseðlum.
- Ílát með kjörskrám.

Gögnum skv. 1. mgr. sem ekki eru send til landskjörstjórnar, skal komið fyrir í öruggri geymslu.

Kjörstjórnnum er heimilt er að rjúfa innsigli íláta með kjörskrám til að sinna skýrslugerð til Hagstofu Íslands, verði þeim skilum ekki viðkomið strax að lokinni talningu. Að þeirri skýrslugerð lokinni skulu kjörskrár innsiglaðar að nýju. Skrá skal yfirlýsingu um þetta í gerðabók.

43. gr.

Eyðing atkvæðaseðla og kjörskráa.

Atkvæðaseðla og kjörskrár skal geyma þar til kærufrestur kosninga er liðinn eða fullnaðarúrskurður um gildi þeirra hefur verið uppkveðinn enda sé þeirra eigi þörf vegna kærú sem beint hefur verið til lögreglustjóra.

Eigi síðar en ári eftir kjördag skal yfirkjörstjórn eyða hinum innsigluðu atkvæðaseðlum og kjörskrám enda sé þá ágreiningsmálum um gildi eða framkvæmd kosninganna lokið.

X. KAFLI

Gildistaka o.fl.

44. gr.

Gildistaka.

Reglugerð þessi er sett með heimild í 3. mgr. 62. gr., 65. gr., 3. mgr. 81. gr. og 2. mgr. 97. gr. kosningalaga nr. 112/2021, og tekur þegar gildi. Jafnframt fellur á brott reglugerð um kjörgögn, atkvæðakassa o.fl. við kosningar nr. 388/2022.